

ISHLAB CHIQARISH, SAVDO VA XIZMAT KO'RSATISH SEKTORLARIDA TANNARX HISOBINING XUSUSIYATLARI

Rofeev Davron Rofeevich

Samarqand iqtisodiyot va servis instituti,
"Buxgalteriya hisobi" kafedrası dotsenti

Annotatsiya: Ushbu tadqiqot O'zbekiston respublikasida tannarx hisobi va zaxiralarga singdirilgan xarajatlar (inventoriable costs) masalalarini o'rganishga bag'ishlangan. Tadqiqotda tannarx hisobining zamonaviy metodologiyasini ishlab chiqish zaruriyati, xalqaro moliyaviy hisobot standartlari (MHXS) talablari va xorijiy tajribalarni joriy qilish orqali korxonalarda samarali boshqaruv qarorlarini qabul qilish imkoniyatlari ko'rib chiqiladi. Ishlab chiqarish, savdo va xizmat ko'rsatish sektorlarida zaxiralarning tannarxini shakllantirish xususiyatlari tahlil qilinadi.

Kalit so'zlar:

Tannarx hisobi, zaxiralarga singdirilgan xarajatlar, xalqaro moliyaviy hisobot standartlari, zamonaviy costing tizimlari, boshqaruv qarorlari, raqobatbardoshlik, eksport, ishlab chiqarish xarajatlari.

CHARACTERISTICS OF COST ACCOUNTING IN THE MANUFACTURING, TRADE, AND SERVICE SECTORS

Rofeev Davron Rofeevich

Associate Professor, Department of Accounting,
Samarkand Institute of Economics and Service

Annotation: This study is dedicated to exploring cost accounting and inventoriable costs in the Republic of Uzbekistan. It examines the necessity of developing modern cost accounting methodologies, compliance with International Financial Reporting Standards (IFRS), and the integration of foreign practices to facilitate effective managerial decision-making in enterprises. The study analyzes the specifics of forming the cost of inventories in the manufacturing, trade, and service sectors.

Keywords:

Cost accounting, inventoriable costs, International Financial Reporting Standards, modern costing systems, managerial decision-making, competitiveness, export, production costs.

Respublikamizda tannarx hisobini alohida fan sifatida o'qitish, tannarx hisobining eng zamonaviy usullarini joriy qilish, tannarxni boshqarish, zamonaviy kosting tizimlarini joriy qilish, tannarxga doir axborotlarni moliyaviy va boshqaruv hisobi maqsadlarida foydalanishning zamonaviy konsepsiyasi, tannarx hisobotining innovatsion formatlari, ilg'or xorijiy tajribalarni joriy qilish masalalari hali o'zining to'liq yechimini topgan emas. Bu esa o'z navbatida samarali boshqaruv qarorlarining qabul qilinishi, tannarxni kamaytirish bo'yicha mavjud imkoniyatlarni yuzaga keltirishga salbiy ta'sir ko'rsatmoqda. Ayrim korxonalarda tannarx yuqoriligicha qolmoqda. Natijada, raqobatbardosh va eksportga yo'naltirilgan mahsulotlar ishlab chiqishda ma'lum qiyinchiliklarni yuzaga keltirmoqda. Yuqoridagilarning barchasi, jumladan, mahsulot tannarxi hisobining zamon talablariga mos metodologiyasini ishlab chiqishning obyektiv zaruriyati mazkur yo'nalishda chuqur ilmiy tadqiqotlar olib borishni taqozo etadi. Xorijiy manbalarda "zaxiralarga singdirilgan tannarx (inventorable cost)" deganda zaxiralarga qilingan barcha xarajatlar bo'lib, qaysiki ular yuzaga kelishidan tortib sotilgan tovarlarning tannarxiga aylangunga qadar balansda aktiv sifatida jamlanishi tushunilishi qayd qilingan.

Tadqiqot qilingan manbada ularning ishlab chiqarish, savdo-tijorat va servis sektorlarida shakllanishi xususiyatlari quyidagicha bayon qilingan: "Ishlab chiqarish sektorida barcha ishlab chiqarish xarajatlari zaxiralarga singdirilgan (kiritilgan) xarajatlar hisoblanadi. Masalan, uyali telefon ishlab chiqaruvchi Cellular Production kompaniyasi misolida ko'rib chiqamiz. To'g'ridan-to'g'ri materiallar, jumladan, kompyuter chipslari (to'g'ridan-to'g'ri materiallar zaxirasidan ishlab chiqarishga chiqariladi), to'g'ridan-to'g'ri ishlab chiqarish mehnat xarajatlari va ustama ishlab chiqarish xarajatlari ishlab chiqarish jarayoni boshlanishi va tayyor mahsulotlarni (cellular phones) yakunlanishi barobarida yangi aktivga aylanadi. Shunday qilib, yaratilayotgan ushbu aktivlarning tannarxida jamg'arilishi uchun ishlab chiqarish xarajatlari tugallanmagan ishlab chiqarishdagi zaxiralar va tayyor mahsulotlar zaxiralariga singdiriladi".

2-son MHXS "Zaxiralar"ning 10-bandida "tovar-moddiy zaxiralarning (TMZ) boshlang'ich tannarxi (historical cost) zaxiralar xarid tannarxi (cost of purchase) va qayta ishlash xarajatlari (cost of conversion) hamda zaxiralarni joriy holatga va joriy joylashtiriladigan joyga keltirish bilan bog'liq boshqa ustama xarajatlar (other overhead) kiritilgan".

Xalqaro standartlar talablaridan xulosa qilish mumkinki, tannarx masalasiga zaxiralar tannarxini shakllantirilishi nuqtayi nazaridan yondashilgan. Zaxiraning

xarid tannarxi, qayta ishlash xarajatlari va zaxiralarni joriy joylashtirish joyiga yetkazish bilan bog‘liq xarajatlar kiritilgan.

“Xalqaro standartlarga muvofiq zaxiralar majburiy tartibda quyidagi miqdorlardan eng kichigi bo‘yicha baholanishi shart: (a) Tannarxi yoki (b) sof sotish mumkin bo‘lgan qiymati.

2-son MHXSda “zaxiralar boshlang‘ich (tarixiy) tannarxiga (historical cost) ular xaridi bo‘yicha barcha xarajatlar (cost of purchase) va qayta ishlash xarajatlari (cost of conversion) va xarid xarajatlariga zaxiralarni joriy holatga va joriy joylashtiriladigan joyiga keltirish bilan bog‘liq boshqa ustama xarajatlar (other overhead) kiritilgan”.

2-son MHXSda keltirilgan ushbu qoida asosida zaxiralarning tannarxi quyidagi elementlardan tashkil topishini ko‘rsatish mumkin:

1. Zaxiralarning xaridi bilan bog‘liq barcha xarajatlar (cost of purchase);
2. Qayta ishlash (cost of conversion);
3. Zaxiralarni joriy holatga va joriy joylashtiriladigan joyiga keltirish bilan bog‘liq boshqa ustama xarajatlari (other overhead).

Ushbu standartga muvofiq zaxiralarning xaridi bilan bog‘liq xarajatlarga (cost of purchase) xarid narxi, import poshlinalari va boshqa soliqlar, transport, transport ekspeditsiya va tayyor mahsulot, materiallar va xizmatlar xaridiga to‘g‘ridan-to‘g‘ri olib borish mumkin bo‘lgan boshqa xarajatlar kiritiladi. Savdo chегirmalari, to‘lovlarning qaytarilishi va boshqa shunga o‘xshash moddalar xarid bo‘yicha tannarxni aniqlashda chегirib tashlanadi. Xalqaro standartda xarid qilish xarajatlari tarkibiga chet el valyutasida yozilgan schyotlar va uncha ko‘p vaqt o‘tmagan xarid qilingan zaxiralar bo‘yicha valyutani almashtirishda yuzaga kelgan kurs farqlari ham ayrim hollarda kirishi ko‘rsatilgan.

Ushbu bayon etilgan qoidalardan zaxiralarning xaridi bilan bog‘liq xarajatlarni quyidagi metodologik tartibda aniqlanishini keltirib chiqarishimiz mumkin:

1. Zaxiralarning xaridi bilan bog‘liq barcha xarajatlar:

Qo‘shiladi:

- 1.1. Zaxiralarning xarid narxi;
- 1.2. Import poshlinasi va boshqa soliqlar (soliq organlari tomonidan kompaniyaga qaytariladigan soliqlardan tashqari);
- 1.3. Transport xarajatlari;

1.4. Ishlov berish va obyektning xaridi bilan bog'liq boshqa xarajatlar.

Ayiriladi: 1.5 Savdo chegirmalari, qoplamalar va boshqa analogik moddalar.

Xalqaro standartlarda zaxiralarni qayta ishlash xarajatlariga mahsulot birligi bilan bevosita bog'liq bo'lgan, masalan mehnatga haq to'lash bilan bog'liq to'g'ridan-to'g'ri mehnat haqi xarajatlarini hamda ustama ishlab chiqarish (production overhead) xarajatlari ham salmoqli xarajat moddasi sifatida kiritilishi ko'zda tutilgan.

“Ustama ishlab chiqarish xarajatlari (production overhead) – bu mahsulot ishlab chiqarish bilan bog'liq bevosita (direct) material va mehnat xarajatlaridan tashqari tannarx obyekti bilan bilvosita bog'liq bo'lgan hamda ma'lum taqsimlash mezonlari asosida taqsimlanadigan boshqa xarajatlardir” deb ta'rif beramiz. Ayrim adabiyotlarda ustama ishlab chiqarish xarajatlarini (production overhead) bilvosita (indirect) xarajatlari ham deb ataydi, chunki bu xarajatlarni tannarx obyekti hisoblangan u yoki bu mahsulot turiga to'g'ridan-to'g'ri olib borish imkoni bo'lmaydi.

Ustama ishlab chiqarish xarajatlarini (production overhead) ikki guruhga ajratish mumkin: o'zgaruvchan ustama ishlab chiqarish xarajatlari va doimiy ustama ishlab chiqarish xarajatlari. O'zgaruvchan ustama ishlab chiqarish xarajatlariga misol tariqasida bilvosita material va mehnat xarajatlarini, doimiy ustama ishlab chiqarish xarajatlariga zavod binolari va asbob-uskunalarini tutib turish va amortizatsiya xarajatlari, fabrika ishlab chiqarish menejmenti va ma'muriyati xarajatlarini kiritish mumkin. O'zgaruvchan ustama ishlab chiqarish xarajatlari ishlab chiqarish hajmiga bevosita bog'liq bo'ladi, ya'ni hajm ko'rsatkichining o'zgarishiga qarab nisbatan mutanosib o'zgaradi. Doimiy ustama ishlab chiqarish xarajatlari esa ishlab chiqarish hajmiga bog'liq bo'lmaydi, ma'lum bir relevant diapozonda o'zgarmaydi. Hisobot davrida ishlab chiqarilgan mahsulotga oid bo'lgan o'zgaruvchan va doimiy ustama ishlab chiqarish xarajatlari (production overhead) qayta ishlash tannarxiga ma'lum bir taqsimlash mezonlari asosida taqsimlanadi.

Boshqa ustama xarajatlar (other overhead) zaxiralar tannarxiga shu darajada qo'shiladiki, qaysiki ular zaxiralarni joriy holatga va joriy joylashtiriladigan joyiga keltirish bilan bog'liq bo'ladi. Masalan, ishlab chiqarish bo'lmagan ustama xarajatlar yoki aniq mijozlar uchun mahsulotlar ishlanmalari 41 bo'yicha xarajatlarni zaxiralar tannarxiga kiritish mantiqan to'g'ri bo'ladi.

Foydalanilgan adabiyotlar ro'yxati

1. Rajaboyev, S. (2024). ZAMONAVIY SHAROITDA AXBOROT-KOMMUNIKATSIYA XIZMATLARINI RIVOJLANTIRISHNING ASOSIY O'ZIGA XOS XUSUSIYATLARI. *Iqtisodiy taraqqiyot va tahlil*, 2(12), 160–166. <https://doi.org/10.60078/2992-877X-2024-vol2-iss12-pp160-166>
2. Rajaboyev , S., & Xamidova , P. (2025). RAQAMLI IQTISODIYOT SHAROITIDA AXBOROT KOMMUNIKATSIYA XIZMATLARIDAN FOYDALANISH. *Iqtisodiy taraqqiyot va tahlil*, 3(1), 120–124. <https://doi.org/10.60078/2992-877X-2025-vol3-iss1-pp120-124>
3. Ражабоев Ш.Ш., and Амиртошев Д.Ш.. "РАҚАМЛИ ИҚТИСОДИЁТ ВА БАНК ХИЗМАТЛАРИДА БЛОКЧАЙН ТЕХНОЛОГИЯСИНИ КЎЛЛАШ" Экономика и социум, no. 4-2 (119), 2024, pp. 853-858.
4. Ражабоев Ш.Ш., and Ҳайитмуродов Ш.О.. "ТЕЛЕКОММУНИКАЦИЯ ТИЗИМЛАРИНИНГ ТУЗИЛИШ ТАМОЙИЛЛАРИ" Экономика и социум, no. 4-2 (119), 2024, pp. 848-852.
5. Rajaboyev Sh.Sh., and Mamadaminov F.F.. "OLIY TA'LIM MUASSASASI KADRLARINI BOSHQARISH TIZIMI" Экономика и социум, no. 4-2 (119), 2024, pp. 403-406.